

Guangjshih Minzcuz Bau

ganhhau: CN45-0036 B.2016 Nd.5 Ng.18 liggaeuq bingjsaen nienz ndwenseiq cibngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3224期

Swcigih Minzveij Cujyin Luz Yenbenj Daengz Liujcouh Si Diuyenz

自治区民委主任卢献匾到柳州市调研

5 nyied 10 daengz 11 hauh, Swcigih Minzveij kujyin Luz Yenbenj daengz 3 boux bae daengz Liujcouh Si diuyenz, doiq hong minzcuz caeuq cunghgyau Liujcouh Si haiguh diuyenz.

Luz Yenbenj dingq le gij bauq-lwnh hong minzcuz caeuq cunghgyau Liujcouh Si mizgven cingzvang, caemhcaiq caeuq aen si neix Minzcunghveij ganbu cizgungh guh naenghdamz, dingq gij yigen hong minzcuz cunghgyau.

Liujcouh Si Minzcunghveij Dangi-cuj suhgi, kujyin Vuz Veilanz bauq-lwnh le Liujcouh Si "cibngeih haj" doxdaeuj hong minzcuz caeuq cunghgyau, lij bauqlwnh gij lohnaemj guhhong youqgaenj "cibsam haj" geizgan caeuq gij hojnanz nem vwndiz yaek

hawj swcigih caengzmienh bang gajgez haenx. "Cibngeih haj" doxdaeuj, Liujcouh Si ndaetmaenh gaem aen cawj-daez hong minzcuz "doengzcae doxgiet haenqguh, doengzcae hoenghvuengh hwngfat" neix, caenh'itbough lozsiz minzcuz cunghgyau cwngecwz nem faplwd fapgvi dangj caeuq guekgya, gaenxmaenx baenaj, haenqrengz doidoengh hong minzcuz cunghgyau laebdaeb cangqheiq hwngfat. "Cibsam haj" geizgan, Liujcouh Si yaek laebdaeb gyahung ligdoh, doicaenh hong minzcuz cunghgyau daengx si hwngfat.

Luz Yenbenj haengjdingh gij cingzcik hong minzcuz cunghgyau Liujcouh Si aeundaej haenx. De maqmuengh Liujcouh it dwg aeu

laebdaeb guh ndei cunggez, aeu laebdin hong minzcuz cunghgyau daengx si guh haeujlaeg cunggez, genj ok gingniemh caeuq guhfap ndei, dawz daeuj senhconz caeuq doigvangq, youh aeu gajjaenh mboujcuk, haivat cauxmoq, mboujduenh doicaenh hong minzcuz cunghgyau Liujcouh Si hwnj mbaek lae moq. Ngeih dwg guh ndei dingh'ok "cibsam haj" gveihva, aeu giethab Minzcunghveij bonjdang saedsaeh, dingh'ok gij gveihva, daj-suenq netsaed hengz ndaej, doidoengh hong minzcuz cunghgyau daengx si laebdaeb cangqheiq hwngfat. Sam dwg gungganq diemjrongh, caux binjbaiz, vih doidoengh Liujcouh gak hangh saehnieb hwngfat guh'ok gungyen.

(Yenz Cunzsinh/颜纯欣)

SIUSIK DINJ

简讯

● Liujcouh Si Liujnanzgih giethab dangdieg hwngfat saedsaeh, yungh ndei dangdieg gijndei swhyenz, hwngfat ciengx gaeqfeiz, yinxhaeuj gaeqfeiz guekrog hwngfat youq gyang ndoengfaex dajciengx, baenz le haex gaeqfeiz aeu daeuj dwk faex dwk byaek, gaeqfeiz gyang ndoeng gwn non, gaeqfeiz nem gyaq gaeqfeiz gunghawj hawciengz lizdij sinzvanz swnghdai dajciengx vunqsik.

(Danz Gajhinh Vwnz Vwnz)

● 5 nyied 12 hauh, Yungzsuij Myaucuz Swciyen "seveicujyi hwzsinh gyaciz-gvanh nem ndwen senhconz fazci gyauyuz" cawjdaez senhgyangjdonz youq Yungzsuij Yen Minzcuz Cunghyoz senhgyangj. Baez senhgyangj hozdung neix, hawj guengdaiah lauxsae hagseng gig laeg roxyiuj seveicujyi gyaciz-gvanh neihanz caeuq iugouz, cienzboq le naengzliengh ndei.

(Cwngh Siengzdwz)

● Gaenh geij bi neix daeuj, Mungzsanh Yen ciuq gij guhhong lohnaemj "swnghdai laeb yienh, daegsaek hwng yienh" hwngfat canloz caeuq "daegsaek nungzyez, gijndei gunghyey, youqndwi lijyouz, cingbinj singzcin", haenqrengz dajcaux "youzcet ciengx ndang gyaenanz" "youzcet lizsij vwnzva" daengj lijyouz binjbaiz, yungh gij rengz daengx yienh, doidoengh hong cauxguh, aeundaej cingzyauq gig hung.

(Gvanh Sinh Vangz Linzyuz)

● "5.12" ciet husw gozci, Gveibingz Si Gunghsanghlengz, Yifuh Saedniemh Siujyoz, 91241 Budui vei-swngghdui nem densin, yizdung, lenzduengh daengj lai aen danhvei bae daengz Gveibingz Si minzyingz giyez Lizmingz Yihyen guh camnai hozdung, gyoengqde daiq va, lamz mak daengj doxgaiq, bae yawj yihhu cizgungh guhhong youq itsienq haenx, vih gyoengqde soengq bae hohfuk ngoenzciet.

(Cenz Libingh Cangh Bungz)

Lingzyinz: Gvansim Lwggayax Lwngdangcanz Hawj Gyaez Dimz Doh Ndawbiengz



凌云: 关爱孤残儿童 让爱洒满人间

5 nyied 15 hauh banhaet, Lingzyinz Yen Daegbied Hagdangz banh aen cawjdaez dwg "gvansim lwggayax lwngdangcanz hawj gyaez dimz doh ndawbiengz" hagseng fwnzgguh gunghyibinj ngeihgai hozdung.

Gaenh geij bi neix daeuj, Lingzyinz Yen Daegbied Hagdangz yawjnaek gungganq gij siengjgeix hagseng ndangcanz gaggiengz, gaglaeb, gagsaenq, gyaez hagsib, gyaez guhhong, gamj deuqnyex, cawz le hagsib, lij son hagseng dinfwngz fwnzgguh gunghyibinj dem, soundaej gyauyuz yauqoj gig ndei. Youq baez "ngoenz bang canz daengx guek" ngeihgai hozdung neix gungh baij ok hagseng siuqicibceih, fwnzgguh gunghyibinj iq daengj 600 lai gienh. Ndaw doz dwg hagseng yienhciegz guh gunghyibinj.

(Siuh Fazlingz/肖发凌)

Dunghlanz: Suenvwnzva Yinghyungz Mbanjcuengh Cingq Bauq Gih Gaep Minzcuz Doxgiet Cinbu Gyauyuz Gihdi

东兰:壮乡英雄文化园正申报区级民族团结进步教育基地

Mboengqneix, Dunghlanz Yen Minzcuzgiz yieq Swcigih Minzveij gyau gij caizliuh gvendaengz suenvwnzva yinghyungz Mbanjcuengh bauq swcigih minzcuz doxgiet cinbu gyauyuz gihdi.

Suenvwnzva yinghyungz Mbanjcuengh dwg gij cungdenj hwnjguh hanghmoeg Swcigih Dangjveij, Cwngfuj vih geiqniemh Veiz Gozcingh dungzci doekseng 100 hopbi hozdung youq 2012 nienz daengx gih dungjcouz doicaenh, caemhcaiq youq 2013 nienz 10 nyied haiguh Veiz Gozcingh dungzci doekseng

100 hopbi geiqniemh hozdung seiz guhbaenz hainduj yungh. Aen suen neix youq Dunghlanz Yen Sanhsiz Cin Mbanjrungh'ing mbanjranz Veiz Gozcingh cienghginh haenx, ciemq dieg mienhcik 11.7 gunghgingj, kujyau hwnjguh hanghmoeg miz: Mbanjcuengh cienghginh geiqniemhguenj, saekhoengz lijyouz vwnzva gvangjangz, coih ranzgaeuq Veiz Gozcingh daengj.

Daj hai suen doxdaeuj, ngoenznaengz cungj mbouj dingz mbouj duenh miz hekyouz daeuj suenvwnzva yinghyungz Mbanjcuengh yawjngonz,

henzgyawj beksingq, gak dieg dangyenz ganbu caeuq bouxcoz nyzrauh nyi aen mingzdaeuz ndei neix daeuj daengz gizneix damqcunz saekhoengz lizsij, ra yamqdin senhleiz, aen suen neix gaenq baenz gizdieg youqgaenj swnjcienz saekhoengz lizsij, cienzboq lenzcwng siengjgeix, guh gyaezguekcuji gyauyuz caeuq minzcuz doxgiet gyauyuz. 2013 nienz 1 nyied, Swcigih Gijveij, Swcigih Genhcazdingh ancoh suenvwnzva yinghyungz Mbanjcuengh baenz Guengjsae lenzcwng gyauyuz gihdi.

(Veiz Swng'yang/韦盛向)